


中華民國十八年四月

興寧縣志

興寧書店印務公司印

興富縣圖



堡	○
圩	◎
河流	——
山脉	——
區界	——
縣界	——

中華民國十八年四月初二日出版

自序

咸豐二年壬子 鶴齡 恭承



簡命出宰增城未抵任卽奉檄調署興甯縣篆下車伊始思有以考一邑山川之形勝世運之災祥人物之忠孝節廉典制之因革損益以爲觀風問俗之助爰取仲柘菴前輩所修縣志而披覽之既而喟然曰斯編成於嘉慶辛未距今四十有餘年矣其間若天時若地理若人事有待於增訂者不一而足此亦守土者之責也未幾而鄰匪蠢動星檄交馳擾我邊陲踐我疆圉三年之內迭起迭滅鶴當軍務倥傯之日籌糧餉修甲兵搜捕內訌勦除外寇方朝夕之不暇故有志未逮者久之比來元兇授首疆宇肅清正偃武修文之會鶴追維視事以前其有待於增訂者已多及視事以後連年掃除醜類迅奏膚功其有待於增訂者更非昔比因命曾孝廉士梅陳生其藻及炳章以襄纂輯而鶴總其成謹將仲志原本訛者正之漏者補之而續

興甯縣志

自序

一

卷之一

辛未以後事於各卷末蓋以事求其實祇爲後之覽者有所考證原不欲大爲變更也至於操筆削之權成經緯之業與昔之作者分道揚鑣是又所俟於後之君子云

咸豐六年丙辰孟夏增城縣知縣調署興甯縣事桐城張鶴齡琴甫識於誠求堂

續編興甯縣志姓氏

纂修

特授增城縣知縣調署興甯縣事張鶴齡分編

興甯縣儒學教諭譚史

壬子科舉人陳耀南

乙酉拔貢黎紹高

前署大埔學教諭候選光祿寺典簿陳滋畚

壬子科副榜羅明光

題取優廩監生陳其藻

優廩生饒光輔

校訂

興甯縣儒學訓導袁奉岡

原任水口司巡檢胡澤審

興甯縣志

姓氏

二

卷之一

署興甯縣典史王裕基

壬子科舉人曾士梅

題取優廩生陳炳章

參校

十三都司巡檢潘成林

壬辰歲貢何鳴蘇

廩生練景清

廩生廖翼文

廩生潘作槐

廩生蕭煥其

增生羅詠史

生員黎佐平

生員羅步蟾

生	員	劉詔金
生	員	何錕
生	員	劉廷化
例	貢	何遠謀
監	生	劉華勳

興甯縣志

例言

三

卷之一

續志例言

一從前修志多取舊本變其條例以新耳目惟藝文列傳間有增輯茲用仲志原板而續嘉慶辛未以後事於簡末其有更改翻刻之處悉註明各條下以別之

一舊志封域形勝圖與地多不合茲特遍集各鄉紳耆逐一更正至名勝古蹟及物產之美前志漏載者亦詳悉補入

一規制典禮其有嘉慶辛未以後更定及更定在前而仲志誤仍之者悉為改正至城池圍寨橋梁原係隨時遞增亦復因類輯補

一舊志官師選舉卷姓名下間或繫以小傳仲志舊者存之新者置之茲仍照施志例間或於姓名下綴一二語至捐職捐監仲志既云不應載入選舉但編捐貲鐫板各姓名今但姑存其舊不復另為新編

一仲志登載田租必有關學校政治者如學田西河橋租書院膏火各項是也其舊志所載各寺之田當時已擬改爲卷末另附一卷以板既開雕未經改正茲既仍用舊板難盡變更但於新送出者概置之惟取有關學校政治者補入

一人物志從來下筆尤難不曰佞史卽曰縉紳家譜茲新編數人皆賢蹟尤著遠邇無間言者如陳守瓶宦蹟旣入肇志王溥泉忠貞將登國史準此以求公論所屬自非阿其所好云

一仲志於列傳多所更改雖視舊志較爲完善然亦不無錯漏茲編有全從別志者亦有參用各志者至其傳內自相矛盾如陳善傳旣云丁艱歸陳大姑二姑傳又云善幼穉父母俱亡姑撫弟成立洎登賢書之類則不得不改而正之

一尙義條前志僅載捐賑助餉二項而捐修學宮同一慷慨除年遠無徵者不能憑空竄入外若道光庚寅重修爲數尤巨應擇

興甯縣志

例言

四

卷之一

所捐在百金以上者續入至捐貲禦寇原屬自爲身家之計非捐錢千串及團練打仗出力曾邀大憲給獎品級頂戴者不輕紀載

一耆壽一條本屬無謂但舊志旣編難於裁汰茲擇採訪所列生監八十以上壽民九十以上曾邀恩賜者登之百歲以上壽婦亦附於其後

一仲志於舊載藝文有關政治而文不佳者或加修飾潤色而無關緊要之作全行刪去茲編仲志旣收者多仍其舊至有益名教及足紀名勝古蹟諸作則旣刪者仍復收之未登者特爲補之

一舊志於災祥條某年某官倡賑下註明紳士某助賑若干仲志以乾隆己丑辛丑丁未乙卯四次捐賑姓名年遠無稽概從闕如茲編道光丙戌助賑冊籍已亡而壬辰助賑捐簿猶在故取

助及百圓以上者載入尙義卷不忍概爲湮沒也至叙寇變本
貴言簡事詳與其言簡而事不詳曷若事詳而言不簡仲志將
舊事節刪大甚湮沒實多茲編仍仿施志紀叙不敢大畧

興甯縣志

總目

五

卷之一

興甯縣志總目

卷之一

封域志

輿圖

沿革

疆界

街路

附鄉堡

卷之二

形勝志

山川

關梁

卷之三

規制志

城池

壇壝

署廨

倉廩

營防

驛舖

廟祠

寺觀

附公所

坊表

附塚墓

卷之四

官師志

知縣 佐雜 教官 武弁 列傳

卷之五

賦役志

土田

征役附戶口

屯政

鹽法

物產

卷之六

典禮志

班朝

蒞官

祈年

秩祀

造士

卷之七

學校志

學宮

書院

學額

學田

卷之八

選舉志

進士

鄉舉

貢選

雜進

興甯縣志

總目

六

卷之一

卷之九

人物志

鄉賢

懿行

忠烈

孝子

尙義附善

列女

人物論

卷之十

風俗志

氣候

歲占

節序

居處

禮儀

習尚

方言

卷之十一

藝文志

序

記

詩

卷之十二

外志

災祥 事略 仙釋 方伎 宦者 猺蛋
古蹟

興甯縣志

封域志

七

卷之一

興甯縣志卷之一 封域志

秦州仲振履柘菴原本 桐城張鶴齡琴甫續編

周官建國必先封樹之書禹貢肇州不廢域民之界興邑啟疆
東晉拓地南交披圖如觀百六十堡獨自犁然按籍以稽千八
百戶不爲蕞爾隸之王土社稷久旣稱臣統以皇輿郡縣允宜
備問志封域

輿圖

沿革

疆界

街路鄉堡附

沿革

昔楊公載鳴作惠州府志所表沿革斷自秦代至楊公起元修郡志所表沿革則溯自陶唐蓋宅南交之句見於堯典而大舜嘗登韶石成周彊理至於南海詩書可考故也興寧在唐虞為揚州南境周顯王時楚敗越越之子姓散處江南海上謂之百越秦屬南海郡二世二年趙佗自立為南越王屬南越漢武帝平南越置交趾部獻帝建安初以交趾為交州尋為東吳孫權所據皆屬交州東吳置廣州自秦終漢訖吳及晉總部不同要皆南海郡龍川縣地也東晉析龍川縣地置興寧縣是以就興寧一邑而言沿革則當斷自晉始是時屬東官唐宋元以來或屬循州或屬惠州至明惠州改府隸轄以定我朝因之雍正十一年奉

興甯縣志

封域志

沿革

八

卷之一

旨陞潮之程鄉縣為直隸嘉應州附以興寧長樂平遠鎮平四邑嘉焉

總部

郡

縣

東晉

咸和六年

廣州

東官

析南海郡置東官

興寧

析龍川地置今興寧長樂地

南齊

廣州

東官

興寧

析興寧地置齊昌縣即今長樂舊志南齊曰齊昌誤

梁

廣州

東莞

東官改東莞是時析南海置梁化郡

興寧

隋

高祖開皇
十一年

番州

時避煬帝
諱改廣州
為番州

循州

改梁化郡
置循州郡
今府治

興寧

省雷鄉
入

煬帝大業

龍川

改循州為
龍川郡

興寧

唐

高祖武德
三年

循州

復以龍川
郡為循州

興寧

太宗貞觀
元年

嶺南道

循州

興寧

興甯縣志

封域志

沿革

九

卷之一

中宗嗣聖
武氏天授

雷鄉

改循州為
雷鄉郡

興寧

析興甯
雷鄉置
今龍川治

元宗天寶
元年

嶺南道

海豐

廢雷鄉置
海豐郡

興寧

肅宗乾元
元年

嶺南道

循州

廢海豐
復循州

齊昌

興甯省今
地

五代

南漢劉鋹
大寶

齊昌府

析興甯置
府劉鋹以
子守之

宋

大祖開寶四年

廣南東路

循州

齊昌府復

仁宗天聖四年

廣南東路

惠州是時以御諱改循州為惠州

齊昌徙治寧昌即今邑治

神宗熙寧五年

廣南東路

惠州

興寧齊昌復是時析齊昌置治長樂鎮

元

廣東道

惠州陸路至元二十三年復州

興甯

興甯縣志

封域志

沿革

十

卷之一

明

大祖洪武元年

廣東行中書省

惠州政府

興寧

洪武二年

惠州府

興甯

洪武九年

廣東布政使司

惠州府

割興寧之大信鄉以附潮之平遠

國朝

順治元年

廣東布政使司惠州府

興寧

康熙元年 廣東布政使司惠州府 興寧

雍正元年 廣東布政使司惠州府 興寧

雍正十一年 廣東布政使司嘉應州 興寧
改潮屬程鄉縣為嘉應州以興寧長平鎮隸焉

乾隆元年 廣東布政使司嘉應州 興寧

興甯縣志 封域志 沿革 十一 卷之一

嘉慶十三年 廣東布政使司嘉應州 興寧
改州為府 置程鄉縣

十七年仍復府為州

疆界

邑東西廣八十五里

西北袤一百二十五里

東南距西北一百六十里

西南距東北六十五里

去府城一百里

去省會八百里

去京師九千二百七十里

東自縣城由黃嶺車下楓樹江坑跌馬古樓逕心分水四五十里
與程鄉豬子峽接界 少南由古城砦蓮塘舖留田舖四十里與

鄉程 河田接界

東南自縣城由寨子腦沿陂泥陂官寨阮橋七十里與鄉程黃芬接

界 又南自縣城由泥陂添子岷小峯宋坑沙塘消陂八十里

與鄉程武寧驛接界 又南自縣城泥陂由湖坊渡黃桐大坑水

口周塘七十里與長樂梓皋接界 又南自縣城由南濟橋刁

坊舖酸藤逕三十里與長樂肥猪麓接界

南自縣城至神光山背十五里與長樂練溪接界

西南自縣城由西河橋五里亭中道亭十五里與長樂店前舖連

界

西自縣城西河壩尾橋由新陂園子寨苦竹逕筠竹長嶺排四十

里北龍川洋貝西長樂鐵廠連界

西北自縣城由甘塘羊陂大坪等處九十里與龍川七約連界

北自縣城由大龍田合水潭坑羅岡徐田十三都羅浮尾一百一

興甯縣志

封域志

疆界

十二

卷之一

十里與平遠蕉坑連界 又自大龍田少東至放坑水牛池頭

岡背黃陂墟禾村黃坑尾偷牛棟八十里與平遠連界

東南自縣由涼溪羊子嶺李牙塘石馬火燒塘五十里與程鄉龍

虎墟連界

街路

縣前左街至十字街到東門十字街左街到北門右街到南門南街之半右通儒學

縣前右街名曰後街至街口右通穀倉左通天后廟天后廟前一直轉西門

縣前直街下數步到新街口新街直下至西門城外右邊透浮橋新街口直下至司前又直下數十步右通一街名曰老街通寶成寺直到西城脚下右轉西門司前老街口下數十步左通儒

學 仲志踏誤 今更正

東街之半一巷通劉紀塘直下至南城脚下

南街將近城門東邊一巷通老學前與東街巷會合

老街關帝廟對面一巷直下水關口半巷南邊一小巷直下左轉

儒學處 仲志誤 今更正

輿甯縣志

附城志

街路

十三

卷之一

新街進士牌樓下左右各一巷左通老街右通後街穀倉前左右各一巷左通衙背右通至西北城脚下

北門東邊有巷三城隍廟背巷通東城脚下仁化街右亦通東城

脚下將近城門一巷直通東城脚下半街西邊一巷通衙背與

穀倉左巷會合 仲志誤 今更正

東路東門出為二歧一起東安橋一北至擁秀樓達東安者復二

歧一至黃嶺頭一至車下黃嶺頭者次坊塘次蓮塘又二歧一

達小洋一至南木次留田次逕心至車下者次和山又二歧一

至寶山一至羅坑次彭皮湖次七層而七層之歧二一亦達寶

山一入程鄉界寶山之歧二一入程鄉一達石馬其初歧之達

擁秀者次走馬嶺次竹絲湖次涼溪次羊子嶺又二歧一達上

官田一至角羊徑次李牙塘次龍陂經臨岡寺至石馬下洞經

中洲寺而又兩歧一達寶山一至半村莊次菴前次石馬上洞

越石馬而北爲二歧一至牽牛洞一至桑下入程鄉

南路南門出起通海橋經山川壇至林頭分二歧右歧至南濟橋
達羅嶺至刁坊舖鄭岡官陂舖次黃桐渡大坑舖林頭左歧爲
洋湖橋長陂嶺小洋下小洋下分二歧左爲花廳園次瀝陂次
鯉子塘次白石下金剛寨錢岡圍抵東山寺右爲沿陂橋次楊
頭次泥陂泥陂分二歧右至湖坊橋次黃桐次大坑舖合路大
坑舖分二歧右至挖水坑伯公凹次烏泥塘次井下至梓棹長
樂界左踰石崖頭次黃泥田次水口抵周塘公館泥陂瀝左歧
至白水塘次赤埕次石人公次藍塘次烏白渡烏白渡分二歧
右至添子岌次畚坑口次小峯過次至上堡次烏石棟次沙塘
舖次肖陂抵程鄉武寧驛左至淡坑次桃子凹次陳洞次畚坑
程鄉界

西路西門出爲二歧一循塘而北至于老塔下一渡河而西渡河

興寧縣志

封域志

街路

十四

卷之一

復分二歧一循北而上至觀音堂一循西則至張公祠卽黃板
橋黃板橋又分二歧一至赤岡墩一至松山下至赤岡者次茅
塘舖又二歧一至黃土嶺一迴達黃土陂達松山者又二歧一
至梅子坑一達神光山至觀音堂者復二歧一經社稷壇迤西
至竹山次曾坑口而盡一轉北至黃土陂復爲西歧一達趨茅
塘一亦達竹山一至甘塘一至新陂復二歧一由西北至劉塘
次苦竹次筠竹次卽龍川之陽背一至吉湖溫泉至中輦境盡
其至老塔下者西次米寨河而渡次甘塘又二歧一至黃土陂
一至上洋陂又二歧一亦渡米寨而東經張陂瀝入城一西至
李田次烏池次朱坑石陂次油洞次鄔田次大塘次何嶺次秋
蓮塘又二歧一西入龍川一東至大坪又卓次鄔田次布路吳
田小埕又二歧一東至駱洞圓田及龍川之河而止一至洋塘
又二歧一東至甘村芒柘次金坑次潭坑過河以達牛牯潭一

東至李子塘次羅岡次天王寺一北至練牛至天王寺者又三
歧一東渡河達下藍一北達磽磈一北至牛徑渡水達十三都
司至練牛者過水至雙頭又二歧一達黃沙溪一過水至下祐
次上祐而黃沙溪之歧二一朱坊一朱坊之歧二一
越河至上祐一亦達巡司巡司之歧二一南渡水至牛徑次天
王寺一東行復析二歧一南渡水亦至楊梅磽一北至高坑高
坑之歧四一東至象湖三皆渡水而北一羅浮一至蕉坑一
入安遠境

北路北門出爲二歧一至佛子嶺而東一至老塔下而西經東岳
宮至社竹頭次張陂瀝又二歧一過河至上洋陂一至冷井水
又二歧一至大龍田絲大龍田渡石馬溪又兩歧東至牛池頭
西至曲塘牛池又二歧一達下官田一過河而南之西至白泡
次牛牯潭東至游坊徑次岡背次大平湖次留陂次甘磚又兩

興甯縣志

封城志

街路

十五

卷之二

歧東至龍歸洞西至天王徑龍歸之次溫公溪又二歧一至黃
坑尾一次下寶龍下寶又二歧一至陳坑一次上寶龍上寶又
二歧一至竹苦坳一至南把荒村把荒又三歧一亦達黃坑一
至蝦蟆窟一至牙花磽其甘磚之達天王者次至上藍又二歧
一達官庄一至下藍次越河至天王寺而黃坑之歧二一逾河
至桑下次經牽牛洞以入程鄉一亦達把荒陳坑之歧三一亦
達官庄一亦至竺苦一至河源洞蝦蟆之歧有三其一至牽牛
一亦把荒而一徑入程鄉牙花之歧四一荒村一亦把荒一
節湖一徑入安遠官庄之歧二一亦達陳坑一過溪尾以至白
沙溪竹苦之歧四其二卽上寶龍河源二者荒村與大望山也
河源之歧二卽竹苦與白沙而白沙之歧二一亦河源一至下
鞏荒村在東又二歧一亦牙花一亦九節大望在西又二歧一
達上鞏一亦九節而九節之歧五三卽荒村大望牙花一至大